

太乙陰陽圖內十條所主

天子巡狩之期

郡國舉送賢良之期

人君出師畧地

三月具一具

五將發不發

長短之數以占緩急

多少之數以占勝負

內外以占攻守

太乙陰陽圖外十條所主

歌有以早警占成敗

數有所主以占吉凶

主客以占先後勝敗

內外以占輔佐

內外將師以占其

太乙大小諸神取用元凶官職

太乙大小諸神取用元凶官職

太陰與太乙二宮同何所主

文昌變化所主

龍擊變化所主

龍擊加臨二十八宿所主

太乙大小諸神取用元凶官職

太乙大小諸神取用元凶官職

太乙大小諸神取用元凶官職

太乙大小諸神取用元凶官職

太乙大小諸神取用元凶官職

太乙大小諸神取用元凶官職

太乙大小諸神取用元凶官職

太乙大小諸神取用元凶官職

太乙大小諸神取用元凶官職


太乙大小諸神取用元凶官職

太乙大小諸神取用元凶官職

太乙大小諸神取用元凶官職

太乙大小諸神取用元凶官職

太乙統宗



RARE

BOOK

Cha

7.2


V. 2

五言古詩一首

太乙統宗寶鑑卷之四

○明太乙掩迫關因提挾所主災異

太者極也乙者數之始也造化天地二目配焉分之為四四將屬焉故有主大主泰客大客參之屬為七政猶日月之有五星也故經云太乙運璇璣以齊七政此之謂也王者治天下布德行政以順人心是謂奉天至於太乙之神行於歲月日時四計之中常動而不息不能無掩迫關因之變不能無擊對提挾之占其驗有中而有不中者不可為有常在乎人君脩省用謹天戒未有人心悅於下



而天意怒於上者未有人理逆於下而天適順於上者其興亡治亂之由可得而見之也

○釋掩

掩者陰盛陽衰陰掩於陽也由太陽之蝕焉臣強君弱之謂吁可不畏哉君柔馭下不任忠良致治不行王綱失序上凌下僭掩襲劫殺之義也國破家亡警示戒懼歲計遇之人君當宜脩德理政薄賦安民其於凌暴無乃甚乎張良云地目相加太乙宮為掩宋珣周玄云始擊加太乙宮為掩樂產王佐秘珠云始擊將臨太乙宮為掩歲計遇掩迫

始擊掩

闡格四固四杜因挾則突在深也若非以通三綱
失序臣強君弱身死國亡及賊盜兵起旱水疾疫
霜雹為沴王希明金鏡云掩者掩襲劫殺之義若
掩太乙在易絕之宮入君大山在絕陰絕陽之位
臣被誅掩主大將主筭不和為凶筭和為吉大將
雖凶參將美發而和利以小將擊之則勝若參將
被掩則小將凶也

卷二世三年甲午歲積一千〇一十五萬三千七百
一十一年太乙入第五紀庚子元第五十五局太
乙在三宮始擊臨不德犯太乙宮為掩文昌在武

驗

德格客大將主客蘭囚其年八月趙高殺二世太
乙遇掩之驗王年秦子嬰又殺趙高蘭囚不利之
唐昭宗天復二年壬戌一千〇一十五萬四千八百
十九年太乙入第五紀壬子元年第十一局太乙
在四宮文昌在高叢犯太乙宮曰囚始擊在陽德
客美得四客大將犯太乙其年昭宗幸鳳翔李茂
真貞尉中韓全誨各有挾天子之意四月梁三矢
全忠遣命宋友寧以大軍起興平岐山出戰為真
所敗全忠自河中率軍五萬圖鳳翔十二月邠州

鄺等皆所為全忠所有此年文昌格客大將犯太
乙之驗

太乙值始擊侵凌相掩之年其凶最大夫有國者
不患貧而患不安豈有縱強暴掩襲劫掠之患哉
能以立紀綱整法度褒善黜惡抑強輔正脩德理
政薄賦安民何憂下之不順上之不安乎

○釋迫

迫者逼迫脅持之義上不道以馭下下不忠以事
上上下下相凌迫挾之象也臣之迫君上之不明爾
古有言曰邦有道其政不在大夫若政在大夫擅

以生殺之權操以國政小人之黨叅之左右迫挾
之禍甚矣哉黃帝五將法曰前為外迫後為內迫
謂上下二目主客大小四將在太乙左右為迫李
淳風曰謂上下二目主客大小四將及定計自在
太乙宮左右曰迫王希明金鏡云上目無迫義若
下自在太乙前一辰為外辰迫在太乙前一宮為
外宮迫太乙後一辰為內辰迫太乙後一宮為內
宮迫宮迫災緩辰迫災急重為迫之近者災深而
速也金鏡云外迫之時大臣逆命內迫之時同姓
逆謀后妃懷二若內外迫擊則內外逆謀美不和

天目
宮日迫
辰日擊

者敗誅若居在易絕之宮先勝後敗如大小四將
迫太乙謀在朝臣又李淳風云在前為明迫事在
外而攻內也在後為暗迫事發於內近親宗室攻
之也如太歲在太乙前陽年災深陰年災淺如太
歲在太乙之後陰年災深陽年災淺樂產謂上下
二目主客大小四將及定計自在太乙前後宮辰
皆為迫迫者逼迫也若逼迫之時用兵主客俱敗
人君慎之宜脩德政大施恩惠舊說云天目在宮
者名迫在辰者名擊擊理不可以為迫迫理不可
以為擊

秦始皇三十七年辛卯歲積一千〇一十五萬三千七百〇八年太乙入第五紀庚子元第五十二局太乙在二宮文昌在天道外辰迫主筭得三十九主大將在九宮內宮迫主叅將在七宮亦迫其年秦始皇崩太子扶蘇當立趙高矯詔賜死迫之驗漢昭帝元年丁未歲積一千〇一十五萬三千八百四十四年太乙入第一紀甲子元四十四局太乙在八宮文昌在陽德外辰迫主大將在三宮外宮迫其年帝崩立昌邑王即位繼後霍光廢帝為昌邑王太乙迫之驗

漢平帝元始五年乙丑歲積一千〇一十五萬三千
九百二十二年太乙入第三紀丙子元五十局太
乙在一宮文昌在大神主筭得十六大將在六宮
內宮迫主參將在八宮外宮迫始擊在太歲客筭
一十五八門杜其年王莽鳩平帝之驗

唐昭宗天祐二年乙丑歲積一千〇一十五萬四千
八百二十二年太乙入第六紀壬子元第十四局
太乙在六宮文昌在大神客筭單九客參將在七
宮內宮迫其年梁王朱全忠殺唐宰相三省官殆
盡亦迫之驗

天道以數象示以興廢則欲遷善脩省歲計遇太乙
迫挾之時人君急先脩政察奸佞審邪惡疎外戚
斥嬖寵遠女謁慎左右防微杜漸以遏其變也

釋關

關者關防守禦隄備之義也謂主客大小四將自
相同宮為之關主客相關若一林二虎一泉二蛟
在相持爭鋒之際氣有盛衰勢不兩立以強軍士
拒以要害互相關防隄備之謂也歲計遇之占在
將相自相關忌有凌攻侵奪之禍不利有為事不
及於人君也張良云主客大小四將自相同宮為

關則有客關主人主人關客當相關之時若一林
二虎一泉二蛟氣有盛衰勢不兩立則以主客二
目所臨之神五行訣之盛衰可見矣歲計遇之將
相有相凌爭奪之禍不利有為李淳風云歲月日
時四計之數若主客大小將同宮為關多美者勝
少美者負美和者勝不和者負然美齊為關者如
單九十九二十九三十九雖大小將同宮美有長
短和與不和之分也但相關之時將相忌之宋琨
曰客大小將犯文昌宮為客關主人主大小將犯
始擊宮為主關客人故曰美齊為關也歲計遇之

將相不利有為王希明曰闡之為義但將相自相
忌之事不及於人君也

唐文宗太和四年庚戌歲積一千〇一十五萬四千
七百四十七年太乙入第四紀庚子元第十一局
太乙在四宮文昌在高叢主筭得四主大將在四
宮主參將在二宮始擊在陽德客筭得單四客大
將四宮參將在二宮為之闡囚其年二月興元軍
亂殺節度使李絳從事趙存訥等先時南蠻蜀詔
募兵討之絳募兵千餘人至中道蠻兵已退遂還
興元繼後詔募兵罷歸絳給以廩麥皆快快而退

監軍楊淵元怒鋒不奉已以言激之募兵遂譟聚
兵攻劫府庫兵入絳方與存訥兵飲宴賓僚晏會
吏報曰募兵請避之鋒曰吾為守之帥避將安往
麾存訥進之曰臨亂免苟非臣子之忠也遣牙將
王榮力戰死之絳與存訥皆為亂兵所害上聞震
悼蓋其年主客策齊大小將相闡之驗

魯平公九年癸亥歲積一千〇一十五萬二千九百
年太乙入第三紀戊子元第三十六局太乙在四
宮文昌在大武主策得二十五門杜始擊在大武
客策得二十七客大將在七宮蘭文昌其年春師

伐楚剋城而還此客集和蘭主之驗

蘭數之時人君乃張文用武文以禁暴武以禦寇
此蘭防之戒也孔子曰其身正不令而行況上下
相承中外相接布之於政施之以嚴實有功罰有
過宣尉大臣撫諭將師以禦相關侵凌之禍得其
宜哉

釋囚

囚者拘繫而執止之義下犯上之故也文昌主客
大小將與太乙同宮總名為囚若在劫氣絕氣之
地大山歲計遇之有崩亡篡戮奔敗之禍若在絕

王處大
同天宮
文昌主客

關四不利

陰絕陽之地自敗又云諸將與太乙同宮或將自
謀所謀在同類視二目美和者利美不和者謀不
成日月皆同占樂產云文昌與太乙同宮為關關
與囚理別關囚之時不利為主安平之代不可以
先鋒兵唯宜固守歲計遇關囚大山則崩亡奔敗
之禍日月之計皆同李淳風云主客大小將與太
乙同宮為囚囚者拘擊也文昌與太乙同宮為關
關者隄防也關囚皆不利為主之利歲計大山必
有崩亡之禍人君慎之

漢獻帝建安十九年甲午歲積一千〇一十五萬四

千一百三十一年太乙入第六紀壬子元四十二
局太乙在八宮文昌在地主筭得單八為關囚主
大將八宮亦囚孫權乘駿馬度遠問曰乘駿馬紫
髯將軍為誰曰孫會稽也遠深嘆恨不知權機不
免此關囚之驗不利先鋒之義

晉元帝永昌三年甲申歲積一千〇一十五萬四千
二百四十一年太乙入第二紀丙子元第九局太
乙在三宮文昌在和德主筭得三為關囚主大將
在三宮亦囚其年大將王敦及至金陵越城敦病
死次將錢鳳沈亮退敗兵誅之傳首金陵此關囚

先起不利之驗

後梁末帝龍德二年壬午歲積一千〇一十五萬四千八百三十九年太乙入第六紀壬子元第三十一局太乙在三宮文昌在太炁主筭得三十三主大將三宮因始擊在陰主客筭單十客參將三宮亦因其年正月戴恩遠敗退以應先起無功之驗

○釋擊

擊者奮縱擊搏上下相凌之義為始擊在太乙宮左右相凌之故也經曰始擊在太乙前一辰為外辰擊在前一宮為外宮擊始擊在太乙後一辰為

內辰擊在後一宮為內宮擊所謂擊者凌搏擊剋
之義上凌下僭之意也此時人君將相忌之皆不
利有為也張良宋琨樂產淳風希明經旨並云始
擊在近太乙宮總名為擊擊在外者諸侯侵凌臣
子生逆或外國侵伐在辰為急在宮為緩擊在內
者近臣同姓親王后妃之族辰為急宮為緩校筭
利鈍絕易有無以占勝負

秦始皇六年庚申歲積一千〇一十五萬三千六百
七十七年太乙入第四紀庚子元第二十一局太
乙在八宮文昌在陰主主筭得單二和主大將二

宮對始擊在太乙神外宮擊客美得十七不和大
將七宮客參在一宮迫其年韓衛趙魏楚五國興
兵伐秦秦師出五國兵皆敗迫衛君於野而援衛
不利有為擊之驗也

漢武帝元狩四年壬戌歲積一千〇一十五萬三千
七百九十九年太乙入第六紀壬子元七十一局
太乙在九宮文昌大武主美得二十九至大將九
宮囚始擊在大神為擊時遣李將軍北伐草寇兵
不利自刎廢為庶人此擊之不利有為之驗始擊
在大神辰擊

或問此年元帥衛青霍去病無災何也答曰李將軍雖不元帥乃名帥將也其年客叅將在六宮與絕氣相併故受不利演數者宜詳審

晉廢帝大和五年庚午歲積一千〇一十五萬四千二百八十七年太乙入第三紀丙子元第五十五局太乙在三宮文昌武德始擊在和德為擊其年司馬桓溫廢帝為東海王及帝薨此凌戰之驗

後唐莊宗同光元年癸未歲積一千〇一十五萬四千八百四十年太乙入第六紀壬子元三十二局太乙在三宮文昌在大神主筭得二十五八門杜

始擊在地主內宮擊不利有為其年梁先出皇帝
朝渡河次中都梁師大敗擒梁將王彥璋十月梁
帝自殺盡滅宗黨時內宮擊不利有為梁三敗亡
之驗也

歲計遇始擊相擊人君則宜順天地而序四時修
人事求天意辨忠邪察真偽疎外戚絕女謁賞有
功罰有過實倉廩備不虞以消擊搏之變

釋格

格者改易格變之義經曰客自始擊大小將所臨
與太乙宮相對為格言政事上下格之若在易絕

始擊大小
將所對

之地大山歲計遇格不利有為所謂格者格易之
義也若格太乙者盜賊侮欺君主格主客美不和者
敗亡也客目與大小將俱格太乙以戰客勝張良
云格者變格也而先王法度變格之理以改正朔
易色服行恩惠發詔令故得景命維新之兆

李淳風云僧拒抗衡格易之象主立政事上下格
之歲月日時皆同若主人格客關格以戰則主人
勝若主人關客以擊則客人勝歲計格太乙者盜
侮欺君主客美不和者敗在易絕之地大山

陳後主禎明三年己酉歲積一千〇一十五萬四千

五百六十年太乙入第六紀壬子元第五十八局
太乙在四宮始擊在天道客筭得二十六客大將
在六宮格又云太歲亦格其年賀若弼興兵滅陳
之驗

唐宣宗大中十二年戊寅歲積一千〇一十五萬四
千七百七十五年太乙入第五紀庚子元三十九
局太乙在六宮文昌在陰主主筭得三十五主大
將八囚杜塞始擊在大義格客筭得三十四客大
將四宮格其年六月南蠻坎串南都護李琢夫理
八月洪州盜賊遍起攻宣州等處天下大攘繼後

詔兩浙兵討平之此客大將格太乙不利有為亦
應蠻寇侵掠盜侮其君之驗

歲計值格臣下盜侮其君不利有為由刑罰有濫
恩惠不行詭佞為讒以成其兆人君此時格其非
心廣修仁政省刑布澤納諫逐諛而誦令新於上
而下莫不尊賞罰明於內而外莫不順先天道勉
人事有國之所重也

○釋對

對者冲突相對之義經曰主目文昌所臨與太乙
宮相當為對相對之時皆為大臣懷二欺君閉塞

賢路君逐忠良將吏挾奸臣下欺誑之義也李淳
風云文昌冲太乙之時大臣欺君閉塞賢路君逐
忠良文昌與客大小將相對之時內外爭衡迫大
乙者敗若主客大小將與太乙相對之時皆為將
吏挾奸臣下欺誑歲月日時計同占

後晉高祖天福五年庚子歲積一千〇一十五萬四
千八百五十七年太乙入第六紀壬子元四十九
局太乙在一局文昌在大炁與太乙相冲為對始
擊在太陽客筭得二十五客大小將杜塞無門其
年將吏挾奸大臣懷二李金全舉兵叛四方大震

此文昌與太乙相對為驗美得杜寨致李金全叛
亂喪亡之敗也

歲計遇文昌與太乙相對之時人君宜進忠良斥
邪佞出符命動干戈張乃威武以行征伐審察奸
偽得无填危之變也

○釋提挾

提挾者提挾懷勢之義經曰主客二目共太乙相
挾主客二目及大小將在正宮者為提也若二目
在間神相挾者為挾關者主客相關等長和者勝
二目在正宮與間神總名為挾也皆為君臣同謀

共誅不義不道也若二目與大小將相挾太乙者
政令不申大臣專權之象箕和格對太乙者為凶
不和無格對者先勝後敗也李淳風云歲計遇挾
有凶若客目大小將挾主目在宮間之神則客勝
如挾太乙者先勝後敗若主目大小將囚太乙宮
亦客勝若主客二目兩相互挾為兩敵相謀偏小
將者敗主雖值提挾而在內者白可戰自一至四
為內也客雖值提挾而在外者猶可戰凡自九至
六為外也仍關囚死絕氣值之亦凶凡客在內外
值迫而挾者皆不利先起若文昌囚迫客目大小

將挾之皆不利為主也

漢獻帝建安十八年癸巳歲積一千〇一十五萬四千一百三十〇年太乙入第六紀壬子元四十二局太乙在七宮文昌在大義主笑得二十七主大將

在七宮囚主參將在一宮始擊在太陽客笑十二

客大將二宮內迫客參將六宮外宮迫主挾其年

曹操舟師攻濡須孫權擊之大敗溺死者數千操

乘大舟退遁此客大將內外迫挾以應曹公先起

喪師之驗

晉武帝大元十年乙酉歲積一千〇一十五萬四千

三百〇二年太乙入第三紀丙子元七十局太乙
在九宮文昌在天道主美得三十美長主大將三
宮發主叅將在九宮囚始擊在高叢客美得單四
美得短不和大將四宮內迫主挾客叅將二宮外
迫其年符堅興兵先起以應提挾敗亡喪師之驗
歲計值提挾之時人君宜修德行政褒善黜惡兵
甲不試邊郡不侵此聖人撫恤之意夫兵甲用除
禍亂不若道德教化以為先如此則所誅者寡所
濟者衆以應提挾之兆凶禍消而福詳至矣

○釋執提

太乙合二門
太乙冲二門

執提者操持握執之義經曰太乙與開生二門合
冲有操執握持之禍歲計遇之不可舉事謂太乙
與開生門合者為執挾也與開生門冲者為提格
也

梁太祖乾化二年壬申歲積一千〇一十五萬四千
八百二十九年太乙入第六紀壬子元第二十一
局太乙在八宮文昌在陰主美得算二美短主大
將在三宮格主叅將在大宮始擊在大神客美十
七客大將在小宮叅將在一宮其年梁帝疾甚君
親王近戚至御榻賜以金帛王帶謂曰我三十年

經營王業不意太原餘孽更昌熾如此吾觀其志
不小天復奪我年我死諸兒非彼敵也異日吾無
葬所矣曰哽咽而絕復蘇六月戊寅郢王友圭令
親信馮廷謾刺帝腹辨出入友圭自設殯衾之屋
於寢殿秘不發喪矯詔稱朕躬危始宣令友圭主
軍國之務遂發喪即皇帝位其年死門直事加大
乙宮室與生門對為提格歲計遇之不可舉事有
友圭殺帝終致滅亡之驗也

歲計遇值執與提格之時人君宜洗心淨慮偃兵
息民修德養正結和通使而天下安樂民心歌洽

陰陽協和如此則天地之氣亦隨以正而順其執提之數也

○釋四郭固

四郭固者天子之都四方之城郭也固者四塞不通堅壁固守之義經曰文昌四太乙宮主大將主參將又相關或客目始擊臨之或客大小將相關皆曰四郭固也歲計遇之主有篡廢之禍人君宜修德政納忠諫以攘之主人勝者宜固守而為勝矣先起為客以應四郭固之災變也

魏邵陵厲公嘉平二年甲戌歲積一千〇一十五萬

四千一百七十一年太乙入第一紀甲子元十一
局太乙在四宮文昌在高叢因於太乙宮主美得
算四不和主大將在四宮囚主客參將在二宮為
之四郭固其大將軍司馬為帥乃謀廢帝詔群臣
會議奏太后收璽綬歸藩于齊使郭一之入白太
后授帝齊王印綬迎高貴鄉公髦即皇帝位築齊
三室于河內改元正始此四郭固篡廢之禍驗也
魏高貴鄉公甘露五年庚辰歲積一千〇一十五萬
四千一百七十七年太乙入第五紀甲子十七局
太乙在七宮文昌在大武囚太乙宮主美得算七

不合主大將在一宮囚主參將在一宮始擊在大
義客筭得二十七不和客大將七宮囚客參將在
一宮故其年五月魏王詔尚書王經謂曰丞相司
馬召之心路人所知也吾不能坐受廢辱今日當
與卿自出討之王經曰晉魯昭公不忍季氏敗走
失國矣為天下笑今權在其門日久矣陛下一朝
如此無乃欲除疾而更深之邪禍殆不測帝兩不
所出討之被費克成濟殺魏王於相府此四郭固
篡廢之禍驗也

唐僖宗乾符四年丁酉歲積一千〇一十五萬四千

四百九十四年太乙入第五紀庚子元五十八局
太乙在四宮文昌在陰德主集得十二和主大將
在二宮發主叅將在六宮格與客大將相關始擊
在天道客集得二十六大將在六宮與主叅將關
客叅將在八宮發其年黃巢聚衆萬人攻陷鄆州
逐節度使薛宗七月巢自浙海聚衆入棧穿山與
王公之合攻陷隨州其年客大將與主叅將同宮
為四郭固太乙在地主內助主安居之世利先起
為主故黃巢乘勝攻其無固遂陷城邑州郡不能
制之驗也

歲計值四郭固之時人君知其難之所有宜修德
更政進忠懲惡發誦施令省方化下未有忠既進
而不上不正惡既懲而下不寧政和則人安政平則
人怨矣知爾戒懼可保四郭固災變之咎

釋四郭杜

四郭杜者若關梁四塞不通之義經曰客參將與
文昌相併主參將與客大將相兼併之以掩迫關
格而為四郭杜也不利出兵皆為掩塞不通諸事
不成歲計遇之大凶

漢獻帝建安九年甲申歲積一千〇一十五萬四千

三百〇一年太乙入第三紀丙子元六十九局太
乙在八宮文昌在大威主筭得十六筭和主大將
在六宮發主叅將在八宮囚始擊在和德擊客筭
得三十二客大將在二宮格叅將在六宮與主大
將相關其年符堅出兵伐晉為謝安所敗君亡國
喪此四郭杜之驗

後梁末帝貞明四年戊寅歲積一千〇一十五萬四
千〇八百三十五年太乙入第六紀壬子元二十
七局太乙在一宮文昌在和德主筭得三十一主
大將在一宮囚主叅將在三宮始擊在高叢客筭

得二十八客大將在八宮主挾客叅將在四宮其
年晉兵侵掠鄆濮西退八月晉又興兵自楊劉城
抵濮州賀德興與晉兵對壘百餘日晉王輕騎覘梁
執為謝彥璋圍擊數重繼後勤救兵太至晉主得
以遁免此年主人挾客不利以先應四郭杜之驗
也

假令五紀庚子元四十七局丙戌歲太乙在九
宮文昌在高叢主美軍四大將四宮叅將二宮
始擊在陽德客美軍八客大將在八宮叅將在
四宮此亦四郭杜也

又庚子元丁酉歲五十八局太乙在四宮文昌
左陰德主筭得十二主大將二宮主叅將六宮
始擊在天道客筭得二十六客大將六宮客叅
將八宮此年叅將與客大將併之又格太乙之
宮四郭杜也

歲計值四郭杜之時人君敷仁惠之德實倉廩充
府庫完城邑浚壕梁繕修軍器以戒不虞此為有
備無患以禦四郭杜之災變也

太乙統宗寶鑑卷之四終

太乙統宗寶鑑卷之五

○明天子巡狩之期術

巡狩者巡所守也春省耕而補不足秋省斂而助
不給是以古者帝王莫不巡狩所過存問高年恤
憊疾苦賜以穀帛此古巡狩之風焉經曰欲知天
子巡狩之年當視太乙與天目在四維之歲則為
巡狩之期若不巡狩則御親臨軒百僚陪列遣使
按行風俗即故事之意也欲知出何方者以天目
文昌所臨而決之乃隨數轉而行也太乙因迫格
對之下是謂行期之日月

主目在陰德出東方

主目在和德出南方

主目在太昊出西方

主目在大武出北方

○明群國舉進賢良之期數

國之存亡在乎相人之死生在乎將安可使頑童

傭僕而當軍國之重任哉古之所以移府州郡求

訪賢良而舉進之故唐虞之世在野無遺賢商周

之時

華野伊尹傳岩傳說

渭濱太公隱者莫不皆起然必待

夫聘之君元愷之舉自舜聘幣之召自湯面像之

營求自高宗游獵之色物自文王此賢士之隱逸

未嘗有奔競躁進之心也孟子曰古之人未嘗不

欲仕者而患不由其道也。自周衰而後，避世匿名之士不肯與人同患。雖如楚狂之歌、沮溺之語、晨門荷蕢之嘆、同鳥獸之群、甘草木之腐，以自棄其生於無用之地。夫子之所以有不仕無義之歎，自是以下，舉逸民之君，有如漢高祖、太子，卑辭厚禮以迎四皓；光武旌帛蒲輪以聘嚴光；德宗以諫議大夫而召陽城，非不勤也。而三子之出處，僅若此。况有假隱沽名之人，如盧隱之用、匿於終南，司馬承相指為仕宦之捷徑。韓愈之謂盧同有少室山人，索價高，辨以諫官詔不啓之語，是盜名於暗世。

者也古之所以崇尚名節移符四方採求賢良方正道藝之士班之朝列何患王庭不肅邦禁不清哉古法曰欲知郡國舉賢良方正道藝之士須在歲計天地人三才筭具之年則群國舉之也經曰歲計遇十六已上之筭則為天地人三才數具則舉之若筭在十三以下是謂不具則不舉矣李淳風王希明皆云雖得天地人三才筭具又須是亥卯未三合之年則為舉矣

○明人君出師畧地術

古者出兵天子萬乘諸侯千乘大夫百乘以一乘

計之甲士三人步卒七十二人若萬乘則甲士三萬步卒七十二萬也若千乘則甲士三千步卒七萬二千也若百乘則甲士三百步卒七千二百也兵志曰國雖安忘戰必危矣太史公有言鞭撻不可廢於家刑法不可施於國征伐不可偃於天下蚩尤作亂三苗為逆此豈可以德化耶經曰兵者不祥之器不得已而用之先王知其不得已故繕修軍器以備不虞經曰行師必出其門畧地并用其二古法曰人君鑾輿出畧及安置軍屯者如美得算二十二二十二三十二五將發三門具乃可

以出兵畧地擇利便以出軍兵故曰畧地并用其
二也出奇門者謂出開休生三門之吉也三門不
具五將不發不可出兵○張良云出奇門者謂出
開休生三門之下也用其二者謂美得二之數也
二為大威離宮之數為文明為戈甲人君得離之
氣日晶光耀火炎烘熾以興甲兵掃除禍亂夫經
天地者莫過於文定禍亂者莫過於武二者國之
大柄也故稱人君之德乃聖乃神乃武乃文蓋美
二離之深意也

唐僖宗乾符四年丁酉歲積一千〇一十五萬四千

七百九十四年太乙入第五紀庚子元五十八局
太乙在四宮文昌在陰德主筭得十二主大將在
二宮參將在六宮始擊在天道客筭得十六客大
將將在六宮參將在八宮其年黃巢聚衆萬餘攻陷
鄆州等郡七月巢自沂趣潁蔡入查牙山與三公
芝合兵攻隨州郡主筭十二以應巢畧地攻陷城
邑莫能禦之應也時方安居此是黃巢先起為主
勝之驗

○明三門具不具之術

三門者開休生門是也具不具猶備與不備美與

不美之謂也古法曰太乙天目在開生二門下為
之兩門不具蓋開門與杜門相對所向塞而不通生
門與死門相對所向有凶隨之謂立吉地面向凶
門也其言二門不具者有景門小吉在杜死門之
中也若太乙與天目在休門之下謂之二門不具
蓋休門與景門相對其若左右迫之於杜死凶門
故謂三門不具此三門不具之時不利興兵如太
乙天目不在開休生門之下方為門具謂之避凶
而迎吉棄死而就生利以興兵所向通美而護勝
矣歲月日時計同分野州郡非太乙所臨之宮遇

始擊三將擊

七日四日
王客大小將
相國曰貴

開休生三門為大吉景門小吉杜死傷三門大山
驚門小山已載於第二卷八門通變之下為不再述

○明五將發不發之數

五將者太乙上下二目主客大小將是也屬之五
行言之五將也發與不發者猶興與不興奮與不
奮之義也古法曰始擊將無掩擊文昌將無囚迫
主客大小將無相關此為之於發也發者興奮者
也兵強將勇發而必中舉而必成若始擊逢於掩
擊文昌值遇迫囚主客大小將相關之時為之將
不發也經云三門不具不可出兵五將不發不可言

戰若三門具五將發則八門開通道路清虛宜出兵也出兵自然相會無不勝三門不具不可出兵五將不發不可臨戰亦自然之理也舊曰主客四將就太乙為五將又曰主客大小四將與天目為五將又經云太乙為監軍同定計目及文昌始擊主客大小將是為九將論五將發不發者惟天目主客大小將是為五將也文昌始擊總名天目太乙輔相之謂歟

○明長短之數以占緩急術

經曰天目所得之筭有長有短有緩有急得之數

長者可久遠而事之宜緩也得之筭短者乃促逼而事之宜急也故經曰短之以短長之以長長者利緩而深入短者利速急而淺焉長筭而勝短筭而負數之十一已上為長十一已下為短長當緩動而不宜急攻短當急動而不利深入矣

唐太宗貞觀四年庚寅歲積一千〇一十五萬四千五百四十七年太乙入第二紀甲子元二十七日太乙在一宮文昌在**和德**主筭得三十一主大將在一宮囚主叅將在三宮與天目囚始擊在高叢客筭得二十八和客大將**在八宮**扶叅將**在四宮**

發其年奚長利以深入正月遣李世靖帥驍騎三千自馬邑進襲之襄大破突厥頡利可汗李世勣出雲中與突厥戰於白道大破之二月李靖破頡利可汗於陰山斬首萬餘俘男女十萬頭畜四十萬三月突厥可汗四夷君長至長安沙漠之地遂一空此主奚長利以深入得獲捷之驗也

○明多少之數以占勝負術

經曰奚得多少以明勝負謂客以多奚臨少奚則主人敗客以少奚臨多奚則主人勝皆知用兵之有機而不知用兵之有數兵之為用本之以數而

出入乎機者也數定之於內而後機應之於外故
於未戰之前而決之以廟筭可以知其勝負之所
在古之人故有運籌帷幄折衝樽俎者誠欲先定
主客之數也故法曰高之以廟廊之論此正欲出
奇於堂上制勝於兩楹面以成其廟筭也是以孫
子曰未戰而廟筭勝者得筭多也未戰而廟筭不
勝者得筭少也多筭勝少筭不勝而況於無筭乎
其無筭者杜塞之謂也

唐明皇天寶十五年丙申歲積一千〇一十五萬四
千六百七十三年太乙入第三紀戊子元九局太

乙在三宮文昌在和德囚主美得算三美不和主
大將三宮囚主參將九宮發始擊在大簇客美得
十五美雖多客大小將杜塞其年安碌山偕誦於
東都稱大燕改元聖武時關東河北諸郡皆陷然
客以多美臨少為勝蓋客大小將杜塞無門亦安
碌山父子不久敗亡之驗也

○明內外以占攻擊術

經曰美有內外以占攻擊者為天目在前為內可
以攻外在後為外可以攻內天目在外為孤在內
為虛欲舉百事於外得外美臨之為吉欲舉百事

於內得內美臨之為吉自陰德至太陽面為內自
太昊至陰主面為外也

唐肅宗至德二年丁酉歲積一千〇一十五萬四千
六百七十四年太乙入第三紀戊子元十局太乙
在四宮文昌在呂申主美得算一始擊在陰德客
美得十二其年天目在內地可以攻外九月元帥
廣平王併與郭子儀將朔方等軍及回紇西城之
衆同漢兵二十萬收復西京殺賊六萬餘祿山之
子慶緒遁走河北十一月車駕還京十一月太上
皇自蜀歸咸陽上備法駕迎於聖賢宮此天目在

內利於攻外自然之應也

○明太乙居天內天外以助主客術

經曰太乙在一八三四之宮為居天內助之主人在九二七六之宮為居天外助之客人若助主之時客不可出兵攻戰如遇戰敵不可先起若助客之時客利興兵攻伐如遇戰敵不可後進故經曰欲為客待太乙在天外之時欲為主待太乙在天內之時又須門具將發取勝萬全宋珮李淳風云太乙在內地三門具為主勝在外地三門具為客勝如太乙在天外三門不具主客平皆不利在天內

亦然凡天地之氣以陽為主氣以陰為客炁主氣
盛則為順客氣盛則為逆故太乙居陽宮而助主
居陰宮而助客之謂也

○明數有孤單以占成敗術

經曰筭有孤單以占成敗者謂一三七九為數之
單陽也二四六八為數之單陰也又經云數得一
十三十為孤陽二十四十為孤陰單陽孤陽不利
於主單陰孤陰不利於客單陽孤陽併之而為重
陽單陰孤陰併之而為重陰重陽厄火重陰厄水
歲計遇之入君悔過修德以消災變

唐昭宗光化三年庚申歲積一千〇一十五萬四千
八百一十七年太乙入第五紀壬子元九局太乙
在三宮文昌在和德囚主筭得單三為單陽主大
將在三宮囚其年十一月中尉劉季昀三仲先樞
密使王彥範薛齊握等陰謀廢立時昭帝獵苑中
夜醉歸牙殺黃門侍女數人劉季昀謂崔胤曰主
所謂如是豈可理天下胤謂死不敢違乃扶上興
后同輦適少陽院門李勣舉銀槓盡地數上衆數
十乃鎖少陽院門鎔鐵囚之遣左軍副使李希將
兵圍衛穴牆以通飲食劉季昀等矯詔令太子裕

監國幽帝於院以應算陽山變之故也

○明數有所主以占吉凶術

經曰數有所主以占吉凶者謂筭中得十為將軍
五為吏士一為兵卒無此筭者即為不備為凶若
筭得十六已上者筭長且和而有將與吏士兵卒
皆具利興兵師宜舉百事若十六之下不為數長
算九以下是謂將吏士卒不具之年不利興兵百
事皆忌如主筭不具則主敗亡客筭不具則客凶
矣古法曰將軍吏士兵卒三者之數闕一不可其
若有一不具即為不利也如筭中無十為無將也興

師則為主將不利如箕中無五為無吏士也興師則為副參將不利於箕中無一為無兵卒也興師則為兵卒不利數取用十為將者舉其盈數也蓋將有統衆之象焉五為吏士者取其中數也有副參攝下之象焉一為兵卒者取其微數也為衆兵之象焉

唐明皇天寶十年辛卯歲積一千〇一十五萬四千六百六十八年太乙入第三紀戊子元四局太乙在二宮文昌在陰德主筭得二十五八門杜主大將主參將不出中宮始擊在陽德客筭得十七吏

將兵卒皆備其年南蠻寇邊楊國忠遣劉南節度使鮮于仲通討之三師大敗喪甲士二十萬衆並無還者蓋主美杜塞無門客美將吏士卒皆具南蠻先動為利客不利主之驗也

○明主客以分先後動靜術

經曰主客者先後之禮動靜之義也古法曰謂陳兵原野旗鼓相望先動者為客後動者為主安居也代先舉事者為主後應者為客若得三門具五將發陰陽和利以興兵所向必克先起者勝後起者負也若主客計三門不具五將不發陰陽不和

則不利舉兵宜乎固守為吉若其興兵則先起者
敗後起者勝若主客計一吉一凶則利主之時主
勝利客之時客勝如主客計吉凶相等則美長者
為勝美短者為敗故知主客出入之所以者主目
迎四維之神面計其所之東出於陰德西出於大
炁南出於和德北出於大武而為始擊之神以定
主客所起所歸之神也審而用之則不致覆車殺
將之禍矣如主欲知客視其美可以知之客欲知
主視其美可以知之夫太乙所在明天道之逆順
分主客之計察美數之盛衰務在欽順天時以行

權變故主人者兵之所歸客人者兵之所起古者
為客最難先起不易故重審定計以變安危假令
晉秦安居王帛交聘秦忽興兵伐晉雖入晉境秦
猶得主人之計也晉人為客更須重審定計或謂
先起者不易則秦人當有定計乎荅曰凡言先起
者有三其一曰陳兵原野旗鼓相望先起者為客
此皆時計持之先起者為難之一也其二曰彼以置
營負險帶水我往擊之先起為難之二也其三曰
連年兵革相侵彼有形勢之固我往攻之先起者
為難之三也如安居之代則以興事先起為主人

之計不取重審定計我凡歲計欲明天道審察逆順先觀主氣次察客氣以明盛衰而別休咎則灾祥可見矣

唐昭宗乾寧三年丙辰積積一千〇一十五萬四千八百一十三年太乙入第五紀壬子元五局太乙在二宮文昌在陰德主美得二十五主大小將杜塞無門始擊在呂申客美得十四和客大將在四宮發客叅將二宮其年鳳翔李茂真興兵逼京師上命渾上三道等統安聖俸聖保寧安化四軍禦之接戰不利上將韋太原韓建請駐蹕華州上從之

於是李茂真乘勝兵入長安燔燒宮室市肆具燼
其年主美杜塞客美門具將發以應李茂真逼京
師之驗也

明內外大臣輔相賢否之術

經曰欲知國中轉相大臣賢否者以呂申加歲位
視之文昌所臨之下如在生氣旺相之方君得大
臣輔僭相位忠良有王佐之畧如文昌在死囚休
廢無氣之鄉則左右任於小人非忠良賢哲之相
矣如占他國輔佐之臣以呂申加歲位視始擊所
臨如在生氣旺相之方其君得明臣輔佐若始擊

在內死囚休廢無氣之宮小人專權在右不得忠
良之臣也歲月日時四計可以同推

○明內外將師賢否之術

經曰欲知國中元戎將相賢否者以呂申加歲位
視主大將所臨如在生旺有氣之宮則元戎大將
忠良輔國智勇仁信可堪重任如主大將在死囚
休廢無氣之宮則元戎大將無謀畧之才任事必
敗係無福氣之人也如占他國將相賢否仍以呂
申加歲位視客大將所臨則與前占一同如更在
死門之下將帥必亡其身也

明太乙大小諸將旺相死囚宮辰所主術

經曰以太乙諸將所屬在同類之宮為旺如火見火金見金而為旺也生我者為相如金見土如火見木為相我生者為休如火見土金見水為休也我剋者為囚如火見金土見水為囚也剋我者為死如火見水金見火為死也以此為例而推明之

太乙統宗寶鑑卷之五終

太乙統宗寶鑑卷之六

明太歲與太乙相格所主術

經曰太歲者歲德之君人主之象也率領諸神統正
方位幹運時序總成歲功以太乙上元開闢之初
建行於子辰一歲一遷十二年而為一周凡國家
巡狩省方出師掠地開拓封疆不可抵向其若歲
計與太歲相格其年大山格易也經曰太歲格太
乙者主有崩亡兵疫之事也太乙在三宮太歲在
未申為格當有彗星出西南方出助太歲東北國
前敗西南國後敗若彗星出東北方則反之西南

國前敗東北國後敗及主流亡疾疫之事太乙在
四宮太歲在酉為格當有太白出西方助太歲東
國前敗西國後敗若歲星出東方則反之西國前
敗東國後敗及主兵革流亡疾疫之事而相格在
絕氣之宮故也太乙在八宮太歲在午為格當有
熒惑出南方助太歲北國前敗南國後敗若辰星
出北方則反之南國前敗北國後敗及主兵革喪
亡之禍為相格在易氣之宮故也太乙在九宮太
歲在戌亥為格當有彗孛出西北方助太歲東南
國前敗西北國後敗若彗孛出東南方則反之西

北國前敗東南國後敗及至兵革疾疫喪亡之事
為相格在絕陽之宮故也

若太乙在前八三四九之宮來格午未申酉戌亥
之太歲皆有殺氣妖星等類之見其方君王宜修
德行政禳之仍宜改元肆赦革政更令以應格易
之變也

○明太陰與太乙二目同併所主術

經曰太陰者太歲之德後也總御郡靈立盟陰教
常居歲後二辰所履之宮忌與二目同併○宋璟
李淳風云歲在四孟太陰大將軍合於四仲名曰

郡醜二目加之后妃懷二心女主挾謀古經云歲計太乙與太陰相併其年必有隣國進貢親婉淑女入奉三庭若文昌與太陰相併憂上相與女主挾謀之事若始擊與太陰相併憂上相與后妃懷二之事被制者尤甚在四仲曰群醜主挾謀之事若格擊與太陰相併之年凶殃愈深人君值此之年宜親近忠良疎遠讒佞抑宦臣絕女謁防微杜漸以革其弊夫乾為劉德君道也夫道也無劉德者理家則婦女用事治國則臣下侵權古者嗣主童幼百官聽於冢宰母后無預政事之事况君長

自臨事乎若權柄任於女主左右任於小人驕盛則嗜欲禍亂不可勝裁故人君當防患兩謹慎之

○明文昌變化所主術

終曰文昌土星在斗魁之前近內階也天之六府集計天道之事踰文昌屬主人之目中宮鎮星之精受土德之正氣其神旺於四季佐太乙為相輔上將掌天地人間吉凶無窮之事預先知也皆從箕於太乙宮前為止不敢越犯也若犯太乙宮為囚囚則不利為主若在易絕之地箕數虧者君之灾也若在太乙前一宮名曰外宮迫主臣下外謀

大臣逆命在太乙後一宮名曰內宮迫主臣下內
謀占在同姓內臣或后宮后妃女子之私若遇太
乙相衝名曰對主臣下失禮王綱格正有僭拒沈
機之意如加山門西得天內天禽天英天柱天蓬
必有臣下謀上如與始擊同宮名曰二目相關則
旺者勝如在一八三七之宮主勝客敗如在四九
二六之宮客勝主敗也如太乙在一宮天目在九
宮名曰對格有變相輔之灾太乙在二宮天目在
八宮有變君父之灾太乙在六宮天目在四宮有
變宰輔大將之灾太乙在七宮天目在三宮有變

君輔之灾如太乙在旺相之宮主君誅臣下皆以五行旺相推之此天目之變也

○明始擊變化所主術

經曰始擊者熒惑之精受火德之正氣南方夏火是也禮也視也禮虧視失行度無常出則有兵入則兵散弼曰始擊屬客人之目也旺於夏季佐太乙為輔相上將統御威武總領戰伐掌兵機運動無窮之事預先知也皆從美於太乙宮前而止不敢越犯也若犯太乙宮為掩主兵戈篡廢之事會歲計歷數太陽陰主之下其驗明矣若始擊在太

例

擊

乙宮左右宮間之神名擊擊者擊挾逼迫之義上
凌下僭有兵逼廢戮奔反之禍人君將相皆畏之
若與文昌同宮為二目相關乘旺相宮者勝始擊
在四九二六之宮為客勝在一八三七之宮為主
勝若掩主大將主叅將者不論旺相當者必死敗
也凡始擊經行宿舍分野皆主國命為亂為敗為
疾為喪為賊為飢為兵人君宜修德行政祗畏天
戒孫子曰天地孰德斯民之萬幸也

甲乙歲

木為始擊東夷兵起舟行事興其歲豐稔

火為始擊南蠻變動夏旱大熟民流疾亡所臨分
野火災暴兵若太乙在丙丁下者其城必有大
火炎旱之災及有暴兵之事

土為始擊中宮兵動如遇興太乙掩迫格者臣下
謀上亦主廢將輔及土工興作之事

金為始擊西戎兵起則東國敗也

水為始擊北狄兵起美和則各有和親歲稔大水

丙丁歲

木為始擊春冬東夷國人有和親之事

火為始擊南蠻兵起大旱兵飢疾病

土為始擊東夷兵起居中宮

金為始擊西戎有兵金銅貴重臣下被誅

水為始擊北夷兵起夏大水民流亡

戊巳歲

木為始擊東夷兵起

火為始擊南方有兵蝗虫為災穀貴大旱人民流亡

土為始擊主后中宮憂土工興山崩地震

金為始擊西戎兵起北狄交爭

水為始擊主戰爭北狄大臣被誅夏旱冬大雪雨

庚辛歲

木為始擊東夷兵興人民流移及西夷兵動

火為始擊南蠻兵動中國火災必有掩捕襲奪之

事金銅貴也

土為始擊民豐樂憂大水

金為始擊西戎兵起

水為始擊北狄兵動

壬癸歲

木為始擊東夷兵起

火為始擊南蠻多災夏炎旱赤地千里秋大水冬

霜雪

土為始擊中國有兵

金為始擊西戎獻寶大豐民樂

水為始擊西北兵侵冬月大寒霜雪殺物

凡諸經論火為始擊者非也其神受天地擊搏之氣以成其形實熒惑之精也

○明始擊加臨二十八舍所主術

古經云始擊者熒惑之精隨歲計所遷加臨二十八舍於歲中各有所主之事

東方七舍

角亢入有憂兵出

亢民有疾疫之事

二星在辰

氏內有叛臣中宮防火

房人君將相有憂

心太子諸王有憂

三星在卯

尾後宮有驚恐后妃有災

箕兵起士卒流亡

二星在寅

北方七舍

斗臣失爵祿闕梁閉塞

在艮

牛糴貴民飢犧牲多死

在丑

女后妃有憂疾病水災

一火災在子

虛諸候有憂改政令行赦宥

危歲多疾病士兵興起三星俱在子

室大人匿謀歲不收成

辟文章興武兵廢二星俱在亥

西方七舍

奎臣下為孽在乾

婁山林有寇盜道路不通在戌

胃三穀不登有兵

昂胡人疾病燕趙兵起

畢邊兵刑罰征討三星俱在酉

將叛牛馬急行

參宮室有動移之事將帥有憂在二里

南方七舍

井川瀆滿溢小兵興動在坤

鬼后妃失勢之事民多病疾在未

柳人民飢荒多主流亡

星憂火災

張禮義多有變異在三里俱在午

翼陰陽失序時多雨水在巳

軫有大喪死亡之事在巽

宋琅樂產李淳風云古法常以計神加和德視始
擊所臨之下見何星以察休咎其理明也又推歲
計太乙所遷入宮之年淺深為變如太乙理天之
歲則當第一星理地之歲則當第二星理人之歲
當第三星其或始擊不在子午卯酉四正之宮止
臨一宿者則本宿當之有二星者中分之則轄一
年矣只以太乙所遷前後深淺而為期也

○明主大將主參將所主術

經曰主大將者太白之精受金德之正氣西方秋
金是也義也言也義虧言失則罰見進退亂紀流

亡為兵為喪若犯太乙宮為爭明大國弱小國強
女主昌又太白金主大臣其誦上公司馬故曰主大
將也犯太乙宮為爭明又為囚必有篡戮之禍若
太乙在絕陽之地君王之灾若乘四九二七之宮
與太乙同併者輔將之灾在死傷杜驚門之下又
與天蓬天芮天柱天衡天英之下者主大將死之
與客大將始擊關囚於凶門之下者客大將死
之凡出軍征伐不可關囚於凶門之下若在三丁
下主大將灾如與太乙同宮相對名曰格者隔絕
杜塞之謂也上下隔絕君不敏於臣下臣不忠於

君也若在大乙前後之宮曰迫皆臣下剝迫於上
也太乙宮相對名曰格格者隔絕杜塞之事也主
參將者用大將宮數三曰取之故入宮裨護大將
面為參副也曰金生水之故其神屬水若與客大
小將自相同宮名曰關關者互相關防之義如一
林有二虎一泉有二蛟乘旺宮者勝若值死絕之
地而又在凶門星之下或庚辛臨之出兵定損參
將必死又不可臨犯太乙之宮名曰無禮迫下欺
上之意也

○明客大將客參將所主術

經曰客大將者辰星之精受水德之正氣北方冬
水也智也聽也智虧聽失則行罰見兵刑寒暑失
節邦國大飢其神掌兵刑得失為廷尉之象燕趙
北夷皆主之故曰客大將也若臨太乙之宮在三
七宮位其年地有震動之變大小將若同宮太乙
在一八宮者其年大水若近太乙宮前後為迫迫
者逼挾之義下迫其上人君慎之亦主外國來覘
也當視其十干甲乙東國丙丁南國庚辛西國壬
癸北國戊己中國自起兵也與文昌同宮名提提
者追提待擲之義主臣下外國有謀與主大將同

宮為關互相關防爭敵之義如太乙在天內助主則主大將勝太乙在天外助客則客大將勝如與計神同宮名曰謀主臣下有篡弑之象焉客參者在大將之前故三曰取之為參副大將輔於客也其神曰水德以生故屬于水如值囚迫格挾之年參將不利有為大小將自相同宮為之相關防乘生旺者勝與主參將同宮防邊兵為亂所起在太乙宮下客大將并參將唯恐在凶門凶星庚辛之下皆不利為客也客定計目大小將本經元無起自太公術之以助客也其法幽微故聖人隱此子

房得之以助漢孔明得之以事征伐此法玄奧少
不可知以理推之故附于客計之後

○明太乙九星所值吉凶之術

經曰太乙九星者乃斗中之九星也二隱七彰在
紫微之北為七政之樞機陰陽之元本故運乎天
中臨馭四方以達四時西均五行也魁四星為璇
璣杓三星為玉衡人君之象誦令之主也又為帝
車取乎運動之義其第一星曰樞二星曰璇三星
曰璣四星曰權五星曰衡六星曰閭陽七星曰搖
光一至四為魁五至七為杓樞為天璇為地璣為

人權為時玉衡為音闔陽為律搖光為呂又輔弼
為參佐之星此從魁至杓以分九星所主

第一曰正星主陽德天子之象 樞天英也

第二曰法星主陰刑女主之象 璇天任也

第三曰令星主中央為令之事 璣天柱也

第四曰伐星主理伐無道之事 權天心也

第五曰殺星主中央四方殺有 衡天禽也

第六曰危星主倉廩五穀之事 闔陽天輔也

第七曰部星主兵戈殺伐之事 搖光天衝也

第八曰玄戈星主戈甲 盜賊之事 洞明天內也

第九曰把持星主惑

不寧更易之事

陽光天蓬也

以上九星遇太乙掩迫關囚擊格提挾之年災發
如其所主如第一星曰樞乃正星天英也主陽德
天子之象如遇掩迫等變則國君之災也如第四
星乃伐星天心也主理伐無道如遇掩迫等變則
興兵理伐無道也又曰一位天二主地三主人四
主水五主土六主木七主金又二星左輔右弼名
曰玄戈招搖也故為九星二隱七彰主於九土四
吉主凶其數雖同其用則異同而異者變通之謂
也故分配太乙九宮以司天道人事所謂樞璇璣

權玉衡閭陽搖光玄戈招搖九星是也用九星而
為九宮於是禹治洪水定以九州象以龜負書言
九宮是也

一天蓬六戊星在北斗之柄天槍招搖是也主
一宮乾位冀州之分凶星也此從杓至魁以
分九宮也

三天內六己星在斗之玄戈主二宮离位荊州
之分凶星也

三天衝六庚星在斗之搖光主三宮艮位青州
之分凶星也

四天輔六辛星在斗之闔陽主四宮震位徐州
之分吉星也

五天禽六壬星在斗之衡主五宮中位豫州之
分吉星也

六天心六癸星在斗之權主六宮兌位雍州之
分吉星也


七天柱六丁星在斗之璣主七宮坤位梁益州
之分凶星也

八天任六丙星在斗之璇主八宮坎位兗州之
分吉星也

九天英六乙星在斗之樞主九宮吳位楊州之
分凶星也

甲為直符之首星宮之使也曰直符以配九宮每
星十年一易九十年一小周九百年為之一大周
九者究也象其屈曲乃數之終也數窮則變變則
通通則久是以終而後始矣夫太乙九宮之星始
於一終於九而更相終始元始要終循環無端周
流不息太乙以宮為經以星為變觀其變翫其經
則思過半矣陰陽消長治亂之樞紐也太乙以消
長為義聖人之所以經天地也

九星八宮定位遷臨圖



○明九星行支干造化所主術

太乙元氣函三為一九星行於十干十二支之辰
各有次第也是故陰陽各得其氣鍾于子化生萬
物故蘖萌於子子孳也言萬物孳於下也紐芽於
丑丑者紐也言陽氣在二萬物為初紐未敢出也
引達於寅寅者演也萬物盡出而茂生也振美於
辰辰者振也林旺於卯卯者迎也言萬物發旺而
迎壯也言萬物滿生而振美也已巳者盛
也言陽數成大氣已盛也芳布于午午者布也陰
遁著明而布散也昧受於未未者昧也言萬物有

成而滿味也申堅於申申者堅重也言陰氣之賊
萬物而堅申也留熟於酉言萬物熟若老而稽留
也畢入於戌言陰氣用事萬物盡畢陽氣而無餘
也該闡於亥言氣藏於下該亥也出甲於甲言萬
物部符而出也奮乾於乙言萬物生而乾也明炳
於丙言陽道著以明也大成於丁言萬物丁壯而
榮也豐晟於戊言萬物之茂而晟也理紀於己言
萬物有成而理能之義也歛更於庚言萬物收歛
而變更也悉新於辛言萬物辛臙而久也懷妊於
壬言陽氣任養萬物而於下也陳揆於癸言萬物

可癸度而有所歸也歸者數之終也十干為陽天之干也十二支為陰地之支也九星行於天干地支也九星行於天干地支之間則九十年為一小周九百年為一大周周而復始

置演上古上元甲子至所求積年以九星大周法九百除之不盡以小周法九十除之不盡為星周餘以星率一十約之所得為星宮之數不盡為入星宮以來年數其星命起天蓬順行九星筭外即九星直符所得其年數

一天蓬 二天內 三天衝 四天輔 五天禽

六天心 七天柱 八天任 九天英

推之法六甲為九星之元首星宮之符使也凡所求在六甲之年即命就加於所求直符之宮是以伏宮之年也如六乙之年即以所求直符加於六乙之宮乃天英星九宮是也又如六丙即以所求直符加於六丙之宮乃天任星八宮是也餘皆此假令六丙年求天蓬為直符即命一天蓬加於八宮天任之上次即二天內臨九宮三天衝臨一宮四天輔臨二宮五天禽臨三宮六天心臨四宮七天柱臨於五宮八天任臨於六宮九天英臨七宮

是也九星所臨視太乙左右前後有無掩迫闕凶
格擊提挾以明休咎

○明文昌九宮所主分野術

夫文昌九宮者其始原於太乙分面為天地轉面
為陰陽變面為四時列面為八卦定面為九宮故
經云太乙之尊元始初分面為一氣分面為二儀
一氣二儀之合遂有三才以乘三而得九宮故有
九星之名焉又以三乘九而得二十有七乃九星
之變宮周之竟矣九宮其一曰文昌二曰玄鳳三
曰明雄四曰玄陰五曰招搖六曰華明七曰玄武

八曰玄愼九曰雄明古人曰義立象曰象取名推
之而得應驗者其理必有深趣也每星三十年行
一宮而為直事命加所求年干之宮視之所臨分
野以推吉凶之變如在甲乙之下其分野有疾疫
風雷之灾年月尤甚丙丁之下其分野火旱之灾
口舌妖言年月尤甚庚辛之下其分野有兵戈盜
賊攻戰死喪之灾年月尤甚壬癸之下其分野有
霖沍淋雨大水之灾及口舌妖言后妃不安之事
戊己之下其分野在土工蝗虫崩陷喪亡之灾會
於太乙宮者為灾深重臨於格迫擊挾之方次之

餘雖所犯皆輕也

一曰文昌乾宮之祗有壬主冀州

二曰玄鳳离宮之祗有丁主荊州

三曰明雄艮宮之祗有甲主青州

四曰玄陰震宮之祗有乙主徐州

五曰招搖中宮之祗有戊己主豫州

六曰華明兌宮之祗有辛主雍州

七曰玄武坤宮之祗有庚主梁州

八曰玄明坎宮之祗有癸主兗州

九曰雄明巽宮之祗有丙主揚州

推之法置上古上元甲子至所求積年以文昌九
宮大周法二千七百除之不盡以小周法二百七
十去之不滿為宮周餘以宮率三十約之而一兩
得為宮數不盡為入宮以來年數其宮命起一宮
文昌順行九宮美外即得入宮直事所在其年數
○明太乙之數原本所主

夫太乙之數原本自天出於黃帝後世失之審於
數而昧於理故知其太乙者鮮矣大哉黃帝踐祚
風后演之以前民用所由立也有理有數有始有
終於是乎天子當陽公孤為輔諸侯北面西朝之

四民布列貢之貴賤有差上不凌下下不逼上政
教中出以播四方天下和平風雨順序年穀豐登
三光全寒暑平内外治君臣睦國乃不忒也家人
有嚴君言子孫之表也級面上之曰大夫曰諸侯
曰天子天子者天下國家之表也君仁莫不仁君
義莫不義表範不雅則化不行是為仇敵可不懼
歟夫太乙至矣哉外闡龍圖內列龜文天地之所
以位君臣父子夫婦之所以立陰陽晝夜之所以
分山川地理之所以流峙品物萬類之所以蕃殖
則太乙之理貫於其中矣明斯數者而知天地陰

陽之道也陰陽太乙之道也太乙之德其盛矣乎
天子得之四海和寧謂侯得之社稷不傾大夫得
之家政乃平士庶得之在醜不爭是故君子博洽
以研其治古之明王懼斯術而行於斯禁者以塞
小人禍亂之原也

○明君基太乙所立術

~~終~~曰君基太乙者人君之象也故直事之邦能守
其疆終為侯王不能守其疆戈甲飛揚謂君基所
臨之邦其君修德上符天道下合民心其化昇平
民登富壽兵強將勇遠近歸服其若人君安與德

役竊弄干戈曲施賦歛廣營宮室則主水旱災傷
兵革疾疫災害並至一曰君基所在之邦其地宜
進獻珍羞以供聖躬人主宜服其地或幸其方以
順天道服者整也

君基與王福同宮皇室鞏固海宇肅清國有嘉祥
福瑞之慶也君基與臣基同宮君臣際會君以
其道臣輔克忠國殷民安萬物咸遂

君基與民基同宮務農桑安百姓出入有名使人
以時有巡狩省方觀民之象焉民有進賢於君者
君基與天乙金神同宮出符文降詔命練甲冑士

誓兵旅征不道伐不義古者三事出兵行師執
旄伏鉞誓士衆抗威武所以征叛逆止暴亂如
此則君國致其禎祥其若好攻戰斃百姓飾城
郭侵邊境如此則不祥變異妖怪兵火之咎生矣
君基與地乙土神同宮人君宜節宮室去奢侈息
土工安百姓務農桑勸稼穡民安其業如此則
厥德永昌地生祥瑞天下豐和人得景命維新
矣其若奢淫驕慢廣營宮苑綴飾珠玉粧麗過
甚如此則兵火喪亡五穀荒稔民生灾疾爲及
地生異類妖物也

君基與直符火神同宮人君南面向明而治親賢
遠佞分別宮人有安序次率由舊章貴重功勳
殊別嫡庶進文儒熙風化如此則君國治昇平
景貺之嘉祥也其若信道不篤譏邪勝正廣營
宮室興建臺榭更為苛酷百姓愁怨致傷和氣
如此則大旱災傷焚燒宮廟民多飢饉疾疫大
作而不利於君主也

君基與四神水星同宮人君宜敬奉宗廟郊祠天
地禱祭神祇嚴肅齋戒崇欽嚮歆以求福助古
之聖王所以順事陰陽以和神人也及發施誦

令明正刑罰亦奉天時咸得其氣則陰陽調終
始成以熙邦國道泰若乃減宗廟不禱功廢祭
祀逆天時則主水溢百川人民流溺霖雨為灾
而傷稼穡厥咎於人君矣

君其與大遊同宮大遊者凶神也其神所臨有兵
革水旱疾疫之禍人君此時宜修明德布誦令
命將帥整戈甲進文儒行風化施恩宥察獄訟
省賦歛恤軍民以禦灾變之生其若妄興兵甲
竊弄干戈以謀開拓之祠不恤生民之苦百姓
愁怨不求寧日如此則國耗民竭危亡之禍可

坐以至矣此大遊與君基同宮有德者昌無德者殃兵災民困也

君基與小遊同宮小遊者東方木之監將歲星之精太乙之人君也君基屬土位居紫微為有土之君人主之象也此二星皆為君象有主有客天之所以限南北也君基三十年行一宮為一世乃有土之君主也小遊三年行一宮乃遊畧之客君也君基為日小遊為月日行甚遲月行甚疾此二星同宮則陰掩於陽猶月掩日爾為爭之象蓋衆者以寡為之君寡者以衆為之民

今二君同宮陰陽之理恃禍亂不可勝裁人君知
憂離之所宜宣發誦令施布恩澤明刑罰修
武備以禁其奸以制其寇或彰威輝武君主親
征以兵革之事也置上元甲子所求積年加邦
盈差二百五十以君基大周法三千六百除之
不盡以小周法三百六十去之不盡為邦周餘
以行邦率三十約之而一所得為邦數不滿為
之邦以來年如命起午邦順行十二辰次美
外而得君基太乙所在及年數君基命在午邦
者蓋人君之象聖人南面垂衣裳而治天下故

命起午邦順行十二宮辰次所貴符合聖人順
天施化下輔群望之意也臣基同起午邦者蓋
取君臣相承翊贊王業不相離之象民基起戌
邦者以明民兆庶群下不可與聖帝賢臣同道
西行也

唐明皇開元二十年甲寅歲君基太乙入午邦洛京
之分其地人民富五穀豐登經十年聖駕躬視后
土於汾陰壇側獲古鼎經十二年封東岳慶雲隨
日馬駕重輪封泰山神為天齊主時東都米一斗
五文天下戶七百六萬九千五百六十五戶經二

臣正
十二年天下無事海內雄富兩都米斛不過三百
文無帛亦如之行雖適萬里不特寸刀不齊一文
人民安逸夜戶不閉其太平如此至天寶三年甲
申歲君基方出洛京分野矣

○明臣基太乙所主術

經曰臣基太乙者輔相之象也其星在紫微宮輔
於大帝乃上天六宮之長下管二十八宿幹旋造
化之機執持威福之柄所臨之邦其地之人可引
為文武之任於王室有益也

臣基與五福同宮利為宰輔貴極人臣常親君座

任其大事當大安危臨大治亂皆致亨通所臨
分野人民豐稔世出英傑也

臣基與民基同宮其下賢者進朝民安其業政訟
平和百姓豐富也

臣基與天乙金神同宮有橫逆不義侵於臣佐其
分野有賊盜兵革也

臣基與地乙土神同宮其分多土工百姓失務也
臣基與直符火神同宮其分禮法不中民無所措
化為火旱也

臣基與四神水宿同宮政訟不平賦歛繁役以奪

民財而生水滂也

臣基與大遊同宮改訟不平農失其務其分水旱
刀兵飢饉疾疫

臣基與小遊同宮下凌於上君囚其臣宰輔不利
所臨分野諸侯自謀上下不協也

置上元甲子至所求積年加邦盈差二百五十以
臣基大周法三百六十除之不盡以小周法三十
六去之不盡為邦周餘以行邦率三約之為一所
得為邦數不滿為入邦以來年數命起年邦順行
十二辰次美外面得臣基太乙所在及年數

唐太宗貞觀十六年壬寅歲臣基太乙入午邦洛京
之分其年魏王大著括地誌五百五十卷顏師古
著法前漢書六百三十卷癸卯面畫二十四功臣
於凌烟閣甲辰上謂使臣曰朕要臣聞已過卿等
為言之敬騎常侍劉洎曰向有上書不稱旨者面
加窮詰無不慚懼而退恐非所以廣開言路之意
上曰卿言是也當改此失也蓋臣基太乙所在君
聖臣賢同德之驗

○明民基太乙所主術

經曰民基太乙者庶民之象也故曰民基所在之

邦其民富庶五穀豐登無兵搖之苦疾疫之灾

民基與五福同宮其民福壽賢福之人生於家

民基與天乙金神同宮其分兵盜飢饉霜雪殺物

人民不安

民基與地乙土神同宮其分土工役民農傷稼穡

禾穀不收多生疾疫

民基與直符火神同宮其分火旱灾傷飛蝗為害

兵盜亦興

民基與四神水宿同宮其分水滂飢荒民多流蕩

也

民基與大遊同宮其分兵火水旱人民流移

民基與小遊同宮其分禾稼不收及兵興殺害之

事

置上元甲子至所求積年加邦盈差二百五十以
民基大周法一百二十除之不盡以小周法十二
去之不盡為邦周餘視孰為入邦以來年數命起
戌邦順行十二辰次美外即得民基太乙所在及
年數三基者君基臣基民基星也君基乃有土之
君故三十年行一邦而為一世之君也臣基乃有
土之臣故三年遷一邦而為一考之臣也民基乃

有土之民一年一易所以務農桑去舊播新之謂
故一年一易也聖人立法制度以利天下之義有
所取焉

唐太宗貞觀元年丁亥歲民基入太乙未邦秦分是
歲正月己酉朔大赦改元宴群臣秦破陳樂曲上
曰朕在藩郡屢有征討遂有此曲有發揚其法蹈
屬雖易其文容言其功業之由故陳於樂章是不
忘其本也封德彝曰陛下以聖武戡亂立極陳樂
象德豈以文容為哉上曰朕雖以武功治天下終
以文德綏海內文武之道各隨其時謂文容不如

蹈厲斯言過矣德彛謝曰臣愚不明何以知此蓋民基所在之邦君臣同德民所安之應也

明五福太乙所主術

經曰五福太乙者上天賜福之神也所臨分野四十五年行一宮理天十五年風調雨順四時合序八節安和理地十五年山出美玉地產靈芝理人十五年世出英傑民安國富安享太平其神所在有五福一曰君壽二曰國殷三曰邊清四曰臣賢五曰民安其行五宮一曰黃秘在西河之乾地其二曰黃始在遼東艮地三曰黃室在東吳之巽地

其四曰黃庭在蜀州之坤地其五曰玄室在洛邑之中宮古人云五福所在其君福殷其民富壽邦無兵革疾疫之事也

五福與君基同宮人君福壽彌享如同宮在初交之時合生後儲

天子如遇君基相衝之所乃生草寇之君

五福與民基同宮四民樂業天下熙和如同宮在初交之始其分富壽貴人生於白屋之家

五福與臣基同宮福利宰輔如同宮在初交之始其分有賢相當生貴人之家

五福與四神同宮為福減損金有兵盜土有疾厲
民灾有火旱蝗虫水有霖雨川瀆土崩

五福與大遊同宮為福減半兵盜水旱不免有之

○明五福吉美所利術

經曰夫五福吉美之數若與五福同行其福各有
所利凡一百二十五年為一周四十五年行一宮
不滿為宮法所餘者方知五福所利之也

算一十一二十一三十一四十一 福利於君王

算二十二三十二四十二 福利於臣王侯

算三十三四十三 福利於后妃

算四十四二十四三十四四十四福利於太子

算五十五二十五三十五四十五福利於民

算六十六二十六三十六福利於師帥

算七十七二十七三十七福利於上將

算八十八二十八三十八福利於中將

算九十九二十九三十九福利於下將

算十二十三十四福利於士卒

如五福同君基在陽宮則主陽君在陰宮則主貴

人后妃如君基在陰宮與五福對衝而剋制君基

者事起陰人截位及算寇篡位其餘太乙凶神與

五福同宮則變災為福其災降於對衝之分則水旱不免有之五福與小遊同宮有德者昌無德者殃

置上元甲子至所求積年加宮盈差一百一十五以五福大周法二千二百五十除之不盡以小周法二百二十五去之不盡為宮周餘以行宮率四十五約之而一所得為宮數不滿為入宮以來年數其宮命起乾艮巽坤中宮即得五福太乙所在及入宮年數

唐高祖武德七年甲申歲五福太乙入玄室中宮

洛京之分至丙戌八月九日上傳位于太宗至庚寅貞觀五年斷天下死罪二十九條至刑措外戶不閉行旅不費糧天下大治米粟一斗三文此蓋五福太乙所在之處民豐樂業君聖臣賢太平之應也

郭少

五蘇太乙西公之氣月望樂意空賀本之
不開似就不費蘇天一大我本票一和三五地
竟負贈正平橋天下公莊二十本求至廣郭代
太乙統宗寶鑑卷之六終

